

ԱՆՏՈՆ ԱՄԻՐԱՅ ԶՈՓԵՆՑ, (Ակնայ Ապուշէի գիւղէն). — Նաբոլէանի Պաղեստին արշաւելու ատեն, 1800ին, Զօփենց Անտոն ամիրան, իբր սեղանաւոր, մեծ վէզիր Քէօր Եոսսուֆ փաշայի հետ կուգայ Յոպպէի մօտերը: Անտոն ամիրայ Ս. Յակոբայ վանքին հատուցմանց խնդրոյն համար կը միջամտէ թէ՛ մեծ վէզիրին և թէ՛ կուսակալի որդւոյն՝ Ապու Մարափի մօտ, որպէս զի զթութեամբ վարուին Ս. Յակոբայ վանքին հետ. և կուգայ Ս. Յակոբ, պատրիարքին և միաբանութեան հետ տեսակցելու համար: Այս հատուցմանց խնդրոյն զիւրացման կը ստատրեն նաև Մատենցի Ստեփան և Փիլիպպոս ամիրաներ: (ԺՊԵ. Բ. 132-38), նաև (ՄԶ. Թ. 25):

ԱՆՏՈՆ (ՍՈՒՐԲ) ՄԻԱՅՆԱԿԵԱՅ ԹԵԲԱՅԻՏՅԻ. — Կ'ապրէր (251-356). վարքը գրած է Աղեքսանդրիոյ Ս. Աթանաս հայրապետը (299-373). այս վարքագրութեան թարգմանութեան տըպագրութիւնը (1855, ի Վենետիկ), կը պարունակէ հաւեհալ ծանօթութիւնը ՊԵԲ=1403 թուականաւ. «Թարգմանեցաւ գիրս այս ի սուրբ քաղաքն յերուսաղէմ յամի Ներորդի Ծերորդի գալստեան տեառն մերոյ Յիսուսի Քրիստոսի, յամին յորում հանգեաւ քաջընթաց հրանեղին Մաշտոց». ձեռագրին մանրամասնութիւնք տեսնել (Երեւակ, 1858, Բ. վեցամսեայ, 43): Յիշատակարանիս թուական պիտի ըլլայ Նիւ եւ ո՛չ ՆԾ ըստ ծանօթութեան, (Արամատ, էջ, Ի):

ԱՆՏՈՆ ՎՐԴ. ԱՆԱՊԱՏՅԻ. — Ուխտաւորութեամբ կ'այցելէ Ս. Յակոբ, 1840ին:

ԱՆՏՈՆ ՎՐԴ. ԵԻԴՈԿԻԱՅԻ, Մբ. — Զո. 1801. Ս. Յարութեան Տաճարին հրկիզման առթիւ (1808) յօրինած է ողբ մը, ուր նկարագրած է հրդեհին պարագաները: Անտոն վրդ. նորոգած է Պարոնտէր Դրիգոր պտք.ի շիրիմը. որու եղերքի յիշատակարանն է. «Վերստին նորոգեցաւ չիրիմս Եւդոկիացի Ռէիզ Անտոն Վարդապետի ձեռամբ. թուին Հայոց ՌՄԿԴ» (=1815): Անտոն վրդ. նոյն տարին չինած է նաև Ս. Փրկիչ վանքին երկրորդ բանտի մատրան ոսկեզօծ սալախները և գրած է արձանագրութիւն մը՝ նոյն մատրան սեղանին ձախակողմի խորհրդանոցի փալտեայ փեղկին դրսի մասին վրայ. ներքին կողմը կը կրէ Փրկչին խաչելութեան պատկերը, որուն վարի մասը նկարուած